

REPOSE DE LAUDA GUIDICELLI

Signora Cunsigliera,

Vi ringraziu pè a vostra dumanda.

Cum'è a sapete, sò incaricata di l'educazione dapoi qualche settimane,

Aghju vulsutu infurmà mi di i scritti ufficiali per risponde pè u megliu à a vostra sullicitazione.

L'adattamento di u calendariu sculare ùn hè micca una cumpetenza di l'Assemblea di Corsica. Cum'ella hè specificata in l'articulu D521-6, mudificatu per dretu Nu 2019-1553 di u 30 di dicembre di u 2019 - articulu 1, « I rettori di l'Accademie di Corsica, di a Guadeloupe, di a Guyane, di a Martinique, di Mayotte è di a Réunion ponu adattà u calendariu naziunale per via d'un arristatu, per trè anni, fissendu calendarii sculari chì tenenu contu di i carattari particolari d'ogni regione cuncernata »

L'articulu preciseghja chì l'Assemblea di Corsica hè cunsultata pè a decisione di stabili sti calendarii triennali.

Sin'avà, l'Assemblea di Corsica dava un avisu nantu à u calendariu ogni annu, malgradu u fattu ch'è testu privede un calendariu nant'à trè anni.

Dapoi parechje settimane aghju multiplicatu i scambii cù u Rettore, è ben'intesa nant'à 'ssu puntu. L'emu cunfirmatu, cù u Presidente, ch'ùn eramu opposti à l'idea di travaglià à l'elaborazione d'un calendariu triennale.

U Rettore hà invitatu u Cunsigliu esecutivu, Madama Santucci è eiu stessu, l'organizzazione sindacale, e federazione di parenti di sculari, è altr'attori di l'educazione, à una prima riunione di u gruppu di travagliu cunghjuntu dedicatu à l'elaborazione in cumunu di i prugetti di calendariu sculare.

Prupongu à a vostra assemblea, cù l'accussentu di a Présidente di a Cummissione di l'educazione, di a cultura, di a cusioni suciale è di l'imbusche sucetale, Madama Fagni, dopu à 'ssa riunione, di fà un puntu per rende contu di i nostri scambii è d'infurmà l'eletti di 'ssi primi travagli. Bella sicura, contu nant'à voi, Madama Branca, cum'è attore di sta cummissione per dammi u vostru parè, a vostra analisa

cù a vostra esperienza di insegnante, annant'à u calendariu chì sara co-custruitu. postu chì socu chì cuniscite bè i nostri ghjovanni, u ritimu sculare è e specificità, cum'è d'altri membri di a cumissione chì sò professori.

Accustate altri punti ch'ùn saranu pussibili ch'in u quattru di un statutu d'autunumia. Pensu chì 'ssi punti sò più chè cunnisciuti da u Presidente è, ben intesa, i purtaraghju subbitu da ch'e n'avaraghju l'occasione, di listessa manera ch'aghju purtatu sin 'avà richieste relative à a Ghjuventù è à u Sport.

Infine, Signora Cunsigliera, vi cunfermu ch'u Cunsigliu esecutivu ùn aspetta micca chì u Retturatu li dica ciò ch'ellu deve fà per move si.

Quand'è no avemu cumpetenza per decide, a femu !

Quand'è no avemu cumpetenza per dà avisi cunsultativi, a femu ! - Ancu s'è a vi cuncedu, hè propiu limitatu u nostru rollu.

È quandu u Dirittu ùn ci dà piena cumpetenza è chì un partinariu cum'è u Rettore c'invita à participà à un gruppu di travagliu in cullaburazione, c'andemu vulinteri.

Iè, Signora Cunsigliera, cunsultaraghju a vostra assemblea per elaburà pulitiche ch'e cunduciaraghju nantu à l'educazione ma ancu nant'à tutte e mò delegazione perchè sò cunvinta ch'è no simu sempre più forti quand'è no simu uniti puliticamente, è quessa soprattuttu quand'ellu ci vole à travaglià pè a nostra Ghjuventù è dunque per l'avvene di a nostra isula .

À ringrazià vi.